

Ленинэнь Киява

ВЛКСМ-нь Мокшэрзянь обкомонтъ ды Сарансконь ошонь комитетэнь газетаст

ИЮЛЕНЬ

14 чя,

1937 ие

№ 79 (753)

ЛКСИ

7-це ие
чинь ютазь

Комсомольской органтиэнь отчетнэнь ды кочкамотнэнь аравтозь порядоконтъ колсематнеде

ВЛКСМ-нь Центральной Комитетэнь путовксозо

ВЛКСМ-нь Центральной Комитетэсь тешкетъ, што комсомольской органтиэнь отчетнэнь ды кочкамотнэнь модемста зярря организациява тейневить истят асатыкст ды кочкамотнэнь коряс ЦК-нть инструкциязо прямой колсемат:

1. Зярря таркава овси аволь удовлетворительнасто ютавтови отчетно-кочкамонь промкстнэнь тердемантень анокстамось. Комсомолецтнэнь промксонь чидевть, таркадонть ды частонть овси а евтнить. Предварительна ВЛКСМ-нь ЦК-нь остатка пленуконтъ решениязо ды материалонзо а содасызь.

Тень коряс промкссо эрситъ аволь весе комсомолецтнэ.

Комсомолецтнэнь беряньстэ сакшномаст коряс ульнестъ сезезь промкстнэ Калинин ошонь вагонной заводсо ды Вагжановлемсэ фабрикасонть, Москов ошонь Трехгорной мануфактурасонть ды Московской омбоце мединститутсонть; Москов ошонь васень мединститутсонть жо комсомольской организациянь отчетно кочкамонь промкссо комсомолецтнэнь беряньстэ самост коряс сезеневь кавкстъ.

Чувашиясо овси аволь удовлетворительнасто анокстамонтъ коряс кочкамотнэнь васень чиставть жо ульнестъ сезезь 36 отчетно кочкамонь промкст.

2. Зярря организациява комитетнэнь отчетност толковамсто прениятне ютыть аволь пек сэрей идейно-политической уровеньсэ. Выступлениэне эрситъ сехте пек второстепенной вопроствэде. Ды овси аволь удовлетворительнасто, политической сатышка шти-енкстома ютыть неень шкастойть комсомолонть роботасо главной вопроствэнь—классовой бдительностень кепедемась, комсомолсо двурущниктнэнь лангс таргамось, комсомолецтнэнь ды одломайтнэнь политической воспитаниянь тевентъ организовамонь толковамотне.

Ярославской областень Константиновской заводонь комсомолецтнэнь промксонть ульнестъ овси ютазь вакса народонь вратнэнь, коватне меельсэ шкастойть лангс таргазь заводсонть, контрреволюционной вредительской роботадо вопроссь. Секе жо ульнестъ Азербайджанской государственной университетэнь ды наукань Академиянь азербайджанской филиалонь промкссонть. Молотов лемсэ заводонть (Дальневосточной край) промксонть овси мезяк арасель кортазь комсомольской организациянь политической роботасо пек покш провалтнэде, бдительностень ношкалгавтомадо, сестэ, кода пек ламо мель ульнестъ явозь „Красной крестэнь“ обществань роботантень, лотерейной билеттнэнь распространениянтень ды лият.

Кой-кона организациятнесэ политической беспечностесь пачкодсь се видсь, што наукань Украинской Академиянь (Киев) комсомолецтнэнь промкссо счетной комиссиянь председателекс ульнестъ кочказь народонь враг, конась лангс таргазь промкстонть мейле.

3. Зярря случайсэ явно колсеви ЦК нь инструкциясонть аравтозь закрытой (тайной) голосованиянь ютавтомань порядокосъ:

а) Закрытой (тайной) голосованиянь ютавтомодо икеле ВЛКСМ нь ЦК-нь инструкциясь а ловнокшнови ды а толковакшнови, конань коряс комсомолецтнэ а содыть, кода сынест эрйивы примамс участия голосованиясонть (Башкирия, Северной область).

б) Ограничивается кандидатуратнэнь количествась, конатнэнь кнс можна го-досовамс закрытой (тайной) голосованиянь ютавтомастонть. Улить мик фактт, зардо, закрытой (тайной) голосованиянтень спискась ловови аволь действительнойкс ансяк секс, што кандидатуратнэнь ламокс-чист, конатне кадовкшныть спискантень, а сатокшныть комитетэнь членнэнь чис-лавтень, конатнэнь аравытнэ промкссо (Убинской средней школа Западной Си-бирь, Каргопольской район—Челябин-ской область).

в) Голосованияонть участиянь прима-мо подтневить ВЛКСМ нь членэкс кан-дидатнэ, башка организациятнесэ жо, при-меркс, Сталинградской областень Бере-зовской районсо ды Киевской областень Черкасской районсо, тевесэ пачкодсь сенэнь, што ВЛКСМ-нь членэкс кандидат-тнэ ульнестъ кочказь комсомолонь коми-тетэнь членэкс.

г) Кочкамонь спискатнэненэ тейнвить номерт (Одесской область).

д) Аволь видестъ ветяви счетной ко-миссиянтень роботаст. Вальгейтнэнь лов-номсто, ЦК-нть инструкциязо лангс атак вань, примить участия райкомтнэнь представительтне ды лия ялгатне, конат атак кочка счетной комиссиянтень сос-таве (Ленинградской областень Вапкин-ской район, Иваново ошонь 56-це школа).

е) Атак вань ЦК-нь инструкциянтъ лангс, ячиктнэнь таркас кочкамонь спис-катне вачксевить панжозь карзинкае, папкас, мешокс ды лияс (Куйбышевской областень Чапаевской район, Азербай-джансо Таузской район).

Весе петь колсевематне могли тейне-вемс ансяк секс, што вере евтазь орга-низациянтень обкомтнэ ды крайкомтнэ отчетно-кочкамонь промкстнесэ фактиче-ски руководства эзь ветя, тевентъ мак-сызь самотеконтень.

Обкомтнэ, крайкомтнэ ды комсомолонь нацреспубликань ЦК-тне, ГК-тне ды РК-тне эзь организова информацийт ком-сомольской эсист организациянтень эйсэ отчетно-кочкамонь промкстнэнь молемадо.

Отчетно кочкамонь промкстнэнь ютавто-масо лездеманть туртов комитетнэнь пред-ставительтнэнь яксемаст ограничиваются первичной организациянтень аволь покш группатнесэ, ды сеяк аволь ламо шкас (3—5 чис).

Естественна, што информацият аразы-чинзэ пингстэ, таркатнес яксематнестэ нейгак яла гастролерстванть пингстэ, об-комтнэ, крайкомтнэ ды комсомолонь нац-республикань ЦК-тне, ГК-тне ды РК-тне тейневкшнэвить вийтемекс, штобу шкасто витемс комсомольской органтиэнь отчет-тнэнь ды кочкамотнэнь аравтозь порядок-сонть тейневиця колсевематнэнь.

ВЛКСМ-нь ЦК-сь кармавты весе об-комтнэнь, крайкомтнэнь ды комсомолонь нацреспубликань ЦК-тнэнь отчетно-кочка-монь кампаниянт икеле-целев молемастэ маштомс неветезь асатыкстнэнь ды ютав-томс омбоцедэ промкст тосо, косо теезь ВЛКСМ-нь ЦК-нь инструкциянтъ кола-мот.

ВЛКСМ-нь ЦК-сь веши весе обкомт-нэнь, крайкомтнэнь ды комсомолонь нац-республикань ЦК-тнэнь пельде комсо-мольской организациянтень эйсэ отчетнэ-сэ ды кочкамотнэсь руководстванть ов-сиксэнь вадрилгавтома.



В. И. ЛЕНИНЭНЬ ЦЕНТРАЛЬНОЙ МУЗЕЙ
СНИМКАСОНТЬ: Ленин подпольсо. (Скульптурась Синайсковэнь).
Репродукциясь Союзфотонь.

ПРЯДОВСЬ СССР-нь ЦИК-нь VII-це СОЗЫВЕНЬ IV-це СЕССИЯСЬ

Те иень июлень 7-це чистэ ию-лень 9-це чис роботась СССР-нь ЦИК-ень VII-це созывень IV-це се-ссиясь. Сессиясонть ульнестъ толко-вазь ды кемекстазь „СССР-нь Вер-ховной Советс кочкамотнеде По-ложениясь“. ЦИК-ень членнэ—союзной ды автономной республи-катнэнь, крайтнэнь ды областнэ-нэнь представительтне эсист вы-ступлениясост вейке мельсэ шна-сть Советской государстванть коч-камонь закононь проектэнь.

Кочкамонь закононь проектэнь толковамонзо перть ульнестъ мак-созь ансяк вейке витевкс 108 статья-нтень одс кочкамотнэнь шкантъ вейке пель марто ковсто 2 недляс валгстамо. Докладчикесь шнызе те витевксэнтъ.

Сессиясь пек виев цяпамонть коряс кемекстызе рабочейтнэнь ды крестьянтнэнь Социалистиче-ской государствань кочкамонь за-кононть.

СССР-нь ЦИК-сэ

СССР-нь Центральной Испол-нительной Комитетэнь VII-це со-зывень IV-це сессиясь топавтызе Анулов И. А. ялганть энялдоман-зо СССР-нь ЦИК-нь секретарекс роботасто сэредемань коряс сонэзэ нолдамо.

СССР-нь Центральной Исполни-тельной Комитетэнь VII-це созы-вень IV-це сессиясь СССР-нь

ЦИК-ень секретарекс кочкизе Горкин Александр Федорович ялганть.

СССР-нь Центральной Испол-нительной Комитетэнь VII-це со-зывень IV-це сессиясь кочкинзе СССР-нь ЦИК-ень Президиумонь членэкс Андреев Андрей Андрее-вич ды Горкин Александр Фе-дорович ялгатнэнь.

ВЕЙКЕЯК ТРУДИЦЯ ОБЛИГАЦИЯВТОМО!

Вейке чокшнес сермадсть 1500 целковой лангс

Чамзинкань район. Хлыстовка велесэ июлень 7-це чистэ ульнестъ велень активень промкс, косо тол-ковизь минек правительстванть путовксонзо од заемонтъ нолдамо-до. Промкстонть мейле, вейке чокшнес сермадсть заемс 1500 целковой лангс.

Ней эрва бригадасо моли од заемонтъ лангс сермадстома. Печ-казовань звенась целанек сермад-

стась заемс ды мерсть, што минь велькска карматано топавтомо сеть обязательствантень, конат-нэнь саинек республиканской соц-пелькстамосонть.

Сехте активнойстэ сермадсть Аношкин И. А.—150 целковой лангс, Кашоева Матря—50 цело-войс ды лият.

К. С.

ЗАЕМОНТЬ ВАСТЫТЬ ПАРО МЕЛЬСЭ

Кочкуровань район. Од Тяглов-ка велесэ „Ленинэнь ки“ колхо-зонь колхозниктнэ июлень 4-це чистэ эсист промкссо пек паро мельсэ вастызь правительствань

путовксонть СССР-нь оборонанть кемекстамонь заемонтъ коряс.

Промкстонть мейле колхозниктнэ сермадстасть 725 целковой лангс. Сермадстомасть моли. И. Ф.

Район ВЛКСМ-нь райкомтомо

Пурдашкинской районось орг-низовазь икелень колмо районсто. Теде мейле ютасть кавто ковт, но ВЛКСМ-нь райкомонь оргтройка те шкас арась.

Ней комсомолсонть моли комсомолонь оргатнэнь кочкамонь ды отчетонь кампания, но Пурдашкинской райононь первичной организациатне аштить районной руководствавтомо.

Те од районсонть ВЛКСМ-нь райкомонь оргтройка организавомонть кувалт ВЛКСМ-нь обкомось прыдзые роботанзо ансяк вейке ломанень кучозь, конась ськамонзо вети руководстванть комсомолонь первичной организациатнень лангсо.

Июлень 6-це чистэ ульнесь комсомолонь райактивень промкс, косо толковизь ВЛКСМ-нь ЦК-нь III-це пленумонть решениянзо. Прениясо кортасть 11 ломанть, конатне теш-

Од ломантне пеняцить

Гузынца велесэ ули ловнома кудо. Бути сави варштамс потмозонзо—дивазеват. Стенатне пуль потсот, кияксось рудазов, шлязь эри чуросто.

Те эщо аламо. Савиндерай кевкстемс избачонть Еринань кедьстэ кодамояк литература, то сон мери: „Кодамояк литература арась ды иля кевксиняк. Вейкеяк книганок, журналонок ды газетанок арась...”

Клубсонть а эрить а кодаткак постановкат, а вечерт. Бути эри, то пек чуросто. Истя жо клубсонть арасть кодаткак музыкальной инструмент.

Секс Гузынцань клубонтень якить эрва чокшне ансяк 10—15 ломанть ды весе од ломантне пеняцить истямо лавшо роботанть лангс.

Мезе жо арси тень кувалт Березникень РОНО-сь, ды ВЛКСМ-нь райкомось?

Т. Буль.

П. Березникень р-н.

кстызь, што ВЛКСМ нь ташто райкомтнэ (Краснослободск, Темникова ды Ельникова) допрок эзть веть руководства первичной организациатнень лангсо, арасель живой связь ды комсомолецтнэ а содасызь райкомонь секретартнень. Активесь истя жо тешкстызе, што пропагандистской робота первичной организациатнесэ допрок арась, политкружоктнэ а роботыть, антирелигиозной роботась стувтозь. Ламо од ломанть якить церьковав (Пурдашке велесэ). Улить случайть, кода кой-кона комсомолецт лоткасть прят ловомо комсомолецкс ды урвакстомсто венчасть церьковасо. Истя тейсь Тегало велесэ Ермаков.

ВЛКСМ-нь обкомось те од райононть лангс ваны формальнойстэ, невти бюрократической отношения ВЛКСМ-нь райкомонь оргтройканть теемантень.

И. Исламкин.



СНИМКАСОНТЬ: Курейка велесэ (Туруханской район, Красноярской край) кудось (керш ено), конань эйсэ зрясь Сталин ялгась 1913—17 иетнестэ, кода ульнесь инязоронь ссылкасонть. (Кенкишенть таркасо сесь иетнестэ ульнесь вальма).

Фотось Ложкинь (Союзфото).

Кочкамотненень анокстамонть коряс промкс

Июлень 5-це чистэ Дубенкань райисполкомонь комсомольской организациасонть ульнесь ютавтось промкс, косо ваннозель отчетно-кочкамонь промксонтень анокстамодо вопросо.

Тайной голосованиень коряс кочкамотнесэ ламо ильведевкстнэде ды сынст маштомадо комсомолецтнэнь чаркодевикстэ евтнесь райисполкомонь парторганизациань комитетэнь секретаресь **Беляков А. Ф.** Те промксонть малав весе комсомолецтнэ лангс таргастэ эсист организациасонть асатыкстнэнь. Евтнесь седе, кода сын анокстыть кочкамотненень.

—Бути видестэ кортамс,—мерсь Исаев комсомолецсэ,—минек организациась кочкамотненень малав-как аволь анок. Теде кортыть минек кой-кона комсомолецтнэнь те-вест. Вана, **Лук'янов** Миша кучозель Сайне велес комсомолонь райкомонть пельде. Тосо отчетно-кочкамонь промксонть ютавтомсто сон ульнесь кочказь президиумс ды теде мейле примась участия тайной голосованиасонть. Теньсэ сон колызе ВЛКСМ-нь ЦК-нть

инструкциянзо. Лук'янов жо, райкомонть инструкторось, мик эзизе ловнояк ЦК-нть инструкциянзо кочкамотненень ютавтомодо.

Комсомолецтнэ тешкстасть сень-как, што весе неть тевтнень эйсэ сехте пек чумо райкомонь икелень секретаресь, народонь врагось **Буянов**, конась народонь врагонть, подлой троцкистэнь Нуязин марто калавтсь районной организацианть роботанзо. Буянов злоумышленна кучтнесь апак анокста инструкторт велень организациатнева, сон райисполкомонь организациасонть апак лотксе сезнесь политтонавтнеманть. Сеедсть эрсесь истя, зярдо сон политтонавтнемань чистэнь весе комсомолецтнэнь, буто мезеньгак тевень-кис, тердтнесь райкомс эли куч-нилинзе велеса.

Комсомолецтнэ путсь, штобу парсте ладямс политтонавтнеманть, парсте анокстамс эсь прятнень отчетно-кочкамонь промксонтень ды тень коряс лездамс лиятненьгак.

А. Щеглов.

Кочкасть од комитет

Июлень 15-це чистэ Кабай велень средней школасо ульнесь отчетно-кочкамонь комсомольской промкс. Весемезэ 12 комсомолецтнэнь эй-тэ сакшность 10 комсомолецт, конат прениясо весе кортасть ды критиковасть комитетэнь роботанзо.

Закрытой (тайной) голосованиень коряс комитетэнь членкс кочказь **Коч.тантинов**, **Баклайкин** Ярославкин. Комсомолонь районной конференциянь кочказь **Матвеев М. П.**, **Киржайкина Н. ды Константинов**. Комитетэнь секретарекс кочказь **Константинов М.**

И. А. Я.

Дубенкань район.

ЦЕРЬКОВАНТЬ ЭЙСТЭ ВАДРЯ КЛУБ

Б. Березники. Пермизь велесэ ташто церькованть таркас тейсть паро клуб, ташто клубонть эйстэ жо тейгь школа.

Клубонть перька озавтнесь чувт. **В. Мокшалева.**

Г. ГЛЕЗЕРМАН.

НЕЛЕИСТЭ АРАВТОМС КОМСОМОЛСО САМОКРИТИКАНТЬ

Комсомольской активенть ютксо улить ломанть, конат анокт вастомс штыксэ рядовой комсомолецтнэ ендю теезь эрва кодамо критической замечаниянть. Самокритикантень истямо отношенияс канды пек покш зыян ленинской комсомолонтень. Васняк, сон меши асатыкстнэнь маштомантень, конат эрсить организациасонть, кекши неть асатыкстнэнь. Сень туртов, штобу маштомс асатыкстнэнь, эрви апак сепю витькстамс ды таргамс лангс сынст. Ды се, кие кекши асатыкстнэнь ды безобразиянть, се ашти сынст кисэ ды меши комсомолонтень молекс икелев. Омбоцкс, самокритикантень тень кондымо отношенияс тей организациасонть показной благополучия, семейственность. Истямо атмосферасо а кода воспитывать смелой ды принципиальной ломанть. Истямо атмосферасо врагонть шождыне эрва зярдо тейнемс эсь тевензэ.

Самокритикантень нетерпимой отношенияс моли большевизмань весе традициянть каршо. Саты

ансяк цютть варштамс большевистской партианть историянзо лангс, штобу неемс, кодамю покш значенизо революционной самокритиканть.

Ленин тердсь партианть „самокритикантень ды эсь асатыкстнэнь апак жалья лангс таргамонтень“. Ленинэнь эзизе лоткавтне сень коряс пелемась, што большевизмань врагтнэ кармить нарьгазь пеедеме сень лангс, што партиась витькстынзе эсь ильведксэнзэ. „Русской социал-демократнэ, — сермадсь сон, — уш сатышкасто леднезельть сражениянть, штобу а визьдемс неть ськирякстнэде, штобу икеле-пелевгак ветьамс, сынст лангс апак вано, самокритикань ды эсь асатыкстнэнь апак жалья лангс таргамонь эсь роботанть, конатне (асатыкстнэ—Ред) непременно ды неизбежна седе ламолгадыть робочей движениянть касоманзо марто“ (том VI, 161 стр.).

1917-це иень октябрысто, зярдо пролетариатось саизе властень, революционной самокритиканть значениязо седеяк пек кассь. Боль-

шевистской партиась кармась уле-ме ветия партиакс, пролетарской диктатуранть основной направляющей виекс. Ды „...именна секс, што большевизмась сась властен-тень, именна секс, што больше-виктнэ могут зазнаться минек строительствань успехтнэсэ, именна секс, што большевиктнэ могут а фатямс эсист лавшо-чинтень ды теньсэ шождалгавтомс эсь враг-тнэнь тевест,—именна секс эрви самокритикась особенна ней, особенна властенть саемадо мейле“,—истя сермадсь Сталин ялгась („Правда“ 1928 ие 26/VI, „Самокритикань лозунгтнэнь ополшенианть каршо“).

Сталин ялгась аволь весть предупреджал, што изнякстнэнь ды достижениянть улить эсист су-леев енксосткак. Сын сеедсть эрсить сесь ломантнесэ, конатне аламо искушеннойть политика-сонть, конатнесэ зазнайствань, чванствань, эсь прань оймалгав-томань настроения. Ломантне лоткить асатыкстнэнь некснемадо, кармить переоценивать эсист виест ды недооценивать врагтнэнь виест, кармить срезедеме идиотской ор-масо—беспечностьсэ. Самокрити-кась—те сехте надежной средства эсь прань эрва кодамю оймалгав-томанть ды зазнайстванть каршо. Самокритиканть значениязо ашти

сеньсэ, што сон кепеди робочей классонть бдительностензэ.

Большевистской партиась весе эсинзэ славной историянзо перть свал ютавтсь тевс самокритикань пшти оружиянть сень туртов, што-бу маштнемс эсинзэ лавшо-чинзэ ды асатыксэнзэ, кемекстамс соци-алистической революциянть тевенть, сень туртов, штобу ванькскавтнемс эсинзэ рядтнэнь враждебной эле-менттнэнь эйстэ, весе амаштовик-стнэнь эйстэ.

Самокритикась пек кеместэ сюл-мазь большевизмань природанть марто, сонзэ революционной ду-хонзо марто. Сон аволь знакомой буржуазной ды мелкобуржуазной партиантнэнь. II-це Интернаци-оналонь оппортунистической пар-тиянтнэнь. Неть партиатне пе-лить невтемс массатненень эсист алкуксонь чамаст, сын пек кек-шнить валдодонть ды критика-донть, эсист асатыкстнэнь кек-шить благополучиянть фальшивой вывескасо. Истя тейнить партиат-не, конат тукшнить таштоянтень, конат обреченнойть емамос. Ми-нек большевистской партиась аш-ти восходящей партиакс, комму-низмманть кис бороцця партиакс. Сон а соды валтнэнь ды тевтнэнь ютксо сезевема. Сон питается мас-сатнень марто, народонть марто (Поладксозо 3-це страницасо).

Заготзернонь комсомольской организациясь

Комсоргось Ильин тусь машинасо комсомолецтнэнь пурнамо

Заготзернонь первичной комсомольской организациясонть весе мезе комсомолецтнэде 7, вейке эйстэдест комсомолс кандидат. Июльень 9-це чистэ ютавтсть отчетно-кочкамонь промкс. Промкстонть арасель сермадозь кадамоак являкс, арасель евтэзь косо карми улеме ды кадамо шкасто. Комсоргось Ильин комсомолецтнэнь евтэсь эрва шкат: кой-кинень сисем чассто, кой-кинень—котоце чассто, сонсь жо озась авто-машинас ды тусь комсомолецтнэнь пурнамо. Ильин элеваторсо тердсь Лук'яновонь отчетно-выборной промкс, но ансяк стяконь кис. Лук'янов кежень сазь мерсь: „Мерить тень а ютко, эрви чаркодемс. А молян. Велявтык машинанть мекев“.

Таго Ильин машинанзо марто Заготзернонь икеле. Кото комсомолецтнэ учость эйсэнь кабинетсэ.

— Вейке лангсо тевесь а лотки, кармакс, ялгат, — кортнесь Ильин комсомолецтнэнь марто. Комсомолецтнэ ульнесь: Ильин (комсорг), Резепов, Рыжонков, Феоктистов, Гуреев ды комсомолс кандидатс Феоктистова. Ильин панжизе промксонть ды кармась ловномо чинь повестканть.

Чуликов (ошонь комитетэнь представителсь): Ильин ялгай, капшат, эрви пурнамс президиум.

Ильин: Пурнатаю эно президиум.

Васняк ушодовсь „самобичеваниястонть“
У Комсоргось Ильин отчетонть ушодызе истя:

— Мон роботан вейке пель марто ков. Мондэнь икеле роботась комсоргоск Смирновский. Прямо а кармак, те шканть ютамс мон мезеак эзинь тейть ды а содылинь комсомолецтнэнь тевдествалдост. Монсь созинь комсомолс 1928 иестэ. Сырян уш. Визькс тень те стажонть коряс кортамс монь берянь роботадо, но те виде

ды а кекшеви. Эрван соновтомс ды бути эрви, истямо халатнойстэ комсомольской тевс отношениянть кис, ертомсан комсомолсто.

Весемез комсомолонь промкстнэ ды политзанятияне ульнесь ветексть. Монь шкасто жо, зярд карминь роботамо комсоргоск, вестькак арасель ютавтозь комсомолонь промкс, политтонавтемань занятият ды кружковой лия работат. Литературанок сатышкаль. Минь решинек командировкав тустэ комсомолецтнэнь макстнемс заданият. Самодост мейле жо политтонавтемань чистэнь кевкстнемс, кода анокстызь те элитона теманть.

Улит осовахи менек организациясо 2 малокалиберной винтовкат, улит патронтка. Кадовсь ансяк модемс леднеме таркав ды кармакс „ВС“ значоконть лангс норматнень максомо. Ансяк комсомолецтнэ а лездыть те тевентень, а заботить сень кис, штобу ОСО-нь тевенть вадрылгавтомс.

Партийной организациясь ды икелевгак партприкрепленоес Касимов ялгась мезеак тенек эзь лезда. Эзь лезда истя жо ВЛКСМ нь ошонь комитетэськак. Ошонь комитетэнь ловоманзо коряс минек организациясо лововить 10 комсомолецт, но минек сельме икеле ансяк 6, остаткаст жо теевсть „кулозь оймекс“.

Вана, пожалуй, саты. Тенсэ прядса эсь отчетом.

Рыжонков: Мекс вестькак арасель комсомолонь промкс?

Ильин: Весе ульнесь командировкасо.

Чуликов: Кадамо робота ветятадо аволь союзной од ломантнень марто?

Ильин: Тень каршо эрви ответчамс Резепов Ванянень.

Резепов: Мон явшекшнын тенст комсомолс совамонь кувалт анкетат...

Чуликов: Резепов ялгай, мон кевкстьян а тонь, кевкстьян комсоргонть.

Ильин: Кевкстнинь кой-кинь комсомолс совамонть кувалт, мерить ламо тосо роботась. Макстнинь анкетаткак, но кирдэз папка потсо недля-кавто ды максызь мекев.

Вал комсомолецтнэнь

Рыжонков: Ильин мезеак эзь робота ды зярдояк истя роботась а туяк, бути икеле-пелевгак а кармить улеме комсомольской организациянь а календарной, а производственной плант. Ильин корты, што промкст а эрсильть секс, што комсомолецтнэ сеedyстэ эрсить командировкасо. Те а виде. Ильинэнь роботамо мелез арасель, эзь маря кадамоак ответственность ды сэрэдсь идиотской ормасонть—беспечностьсэнь.

Партийной организациясь ды ошонь комитетэсь зярдояк эзь варштакшно минек организациянть лангс.

Феоктистова: (комсомолс кандидатс).

— Монь примимизь кандидатокс. Арсинь, што комсомолонь организациясь кастсамам, по лиссь мекев лангт: а политтонавтемат, а промкст, а мезть а эрить. эзь лезда монень партийной организацияськак. Эли сайсынек вана эщо ошонь комитетэнь Минек элеваторсо улит ламо сермас аламо содычат. Ошонь комитетэсь кучсь тозонь тонавыця. Течи мон неия сонзэ, но сон аштэсь озадо, тонавтомо жо эзь моле. Истя эри свал.

Партприкрепленоес Касимов пири эсь прянзо

Кемимизь, комсомолец ялгай, монь роботам пек ламо. Кодаяк а муян шкэ, штобу тынк марто роботамс. Те а корты седе, што роботамс мелем арась. Монень эрви роботамс. Тынь содато, што эрва часос миненек питней.


А виде ули, бути меремс, што партийной организациясь овси эзь лездакшно. Сеedyстэ минь а содылинек ды миненек а евтылиде, зярдэ тынк ули промкс эли лия тевть.

Рыжонковонь нардызь спискастонть

Комсоргонь кочкамс тайной голосованиянть кандидатоком промксось аравсь колмо комсомолецт: Феоктистов, Рыжонков, Ильин. Резепов корты Рыжонковонь кис, што Рыжонковонь содасы ветеце ков, што сон церась вадра, но кода кармасть сокарямо комсомольской хозяйствасонть, эзь муге Рыжонковонь личной тевензэ ды сын арасельтак. Промксось нардызе Рыжонковонь кандидатуранзо спискастонть.

Тайной голосованиясо комсоргоск кочказь Феоктистов ялгась. **Фил. Гурьянов.**

Саран ош.



СОВЕТСКОЙ СОЮЗОНЬ ГРАНИЦАТНЭНЬ ВАНСТОМАСО
Пограничникесь Завьялов ялгась кирдэс границу кавто нарушитель, конат снартнест прок политэмигрант эцес СССР-нь территории. Но алкукс жо кирдэз ломантне ульнест омбо масторонь вейке государствань шпионт.
СНИМКАСОНТЬ: Завьялов ялгась дозорсо.
Фотось А. Буровонь (Союзфото).

КЕЛЕЙСТЭ АРВТОМС КОМСОМОЛСО САМОКРИТИКАНТЬ (ПОЛАДКСОЗ)

аявовтовомань ды непрестанной сужавомасо. Сон сексак а пели валдодонть ды сермады эсинзэ знамянзо лангс: „Честной ды революционной самокритика!“

Комсомолось — воспитательной организация. Сонзэ задачазо воспитать од поколениянть эйстэ коммунистманть кис мужественной, кеме, принципиальной боецт. Характерэнь истят чертатне, кода смелостесь ды решительностесь, характерэнь кеме-чись, принципиальностесь, должны улемс свойственнойкс эрва комсомолецтнэнь. Но большевистской неть чертатнень а кода воспитать од поколениянть келей, смелой самокритикань тевс апак ютавто.

Улит случайть, зярдэ комсомолонь кой кова организациянть руководствомсо ульнест амаштовикс ломанть. Сынь душасть организациянть роботанзо критикованть весе снартнематнень, пурнакшность эсь перькаст „эсь ломанть“, эрва кода шнасть сетенень, кие „эзь ливтне кудост соронть“ ды шнасть „начальстванть“. Нать а чаркодеви, што неть „руководительне“ бажасть воспитать комсомолецтнэнь

аволь большевистской качества, но угодничества, подхалимства, беспринципность, классово-чуждой ломантнень марто „мирсэ“ эрмонень бажамо?

Ансяк се организациясонть, комсомолонь келейгавтозь самокритикась, косо комсомолецтнэнь тонавыть а мирямс асатыкстнэнь марто, а ютнемс равнодушносто сынствакса, но смелость ды апак пеле критиковамс чумонь тейницятнень, апак вано сынст „чинэст ды званияст“ лангс, ансяк тосо карми улеме комсомолецтнэнь большевистской принципиальностень алкуксонь воспитания.

Вана мекс од ломантнень коммунистической воспитаниясь ды последовательной самокритикась аявовтовицят вейкест-вейкест эйстэ.

Неень условиятнесэ самокритиканть последовательностэ ютавтотамась ашти комсомолонть туртов алкукскак решающей значениякс. Ленинской комсомолось, кода советской весе мастороськак, чалгась эсинзэ эрмонь од полосас. СССР-нь од Конституциянь примамось означает весе комсомольской организациянть роботас коренной поворот. СССР-нь кочкамонь системанть седе торгак демократизациясь веши комсомолонть пельде масторонть политической эрмос од ломантнень

таргамонть коряс, Советнэс сыця кочкамотнэнь сынст организавомост коряс настойчивой робота.

Комсомолонть эрви перестроиться демократической ладонть коряс, маштомс внутрисоюзной демократиянь принциптнэнь весе колсематнень. Тень туртов эрви самокритиканть последовательной ютавтома. ВЛКСМ-нь ЦК-нь III-це пленумонть решениятнесэ тень коряс евтэзь вана мезе: „Большевиктнэ ловить, што „самокритиканть лозунгось ашти минек партийной действиянть основакс, пролетарской диктатуранть кемекстамонь кедь-енксоск, кадратнень воспитаниянь большевистской методонть оймекс“ (Сталин). Кода неяви, комсомольской ламо активист яла эщо а чаркодить тень. Аволь секс ли эрва кодат комитеттнэнь пленумост ды активтнэнь деловой роботаст неть, кода мерить „активисттнэ“ теизь кенгелемань парадной валонь евтнеманть ды эсист руководящей работниктнэнь мнимой заслугаст шнамонть туртов аренакс, седеень човорятома, шумливой приветствиянть ды рапортнэнь аренакс. Весе те чуждой, большевикманть противной практикась тейниль эсь тевтнень парокс ловома, маштиль эрва кодамо бдительностень чувстватнень ды уш мезьсаяк а

лездыль критикань ды самокритикань келейгавтоманть“.

А кода а неемс сень, што самокритиканть пренебрежениясь шождалгавты народонь врагтнэнь — троцкистской, бухаринской ды лия двурушниктнэнь — комсомолсо сынст подлой подрывной робота. Тосо, косо арась самокритика, косо арась политической бдительность, тосо панжозь кенкштнэ врагонтень. Характерной пример нейти Азово-Черноморской комсомольской организациясь, конань руководствас эцнесэ народонь отъявленной врагось Ерофицкий. Содазь, што Ерофицкийнень савсь аравтемс „эсь ломанть“ Азово-Черноморьян комсомолонь зяряя районной организациява. Весе неть мерзавецтнэ ульнест навязанной комсомолецтнэнь крайкомонть пельде, демократиянь весе принциптнэнь колаз. Шахтатнесэ, Новочеркасскойсэ ды лия оштнэсэ комсомолецтнэ кавтонь — кавтонь, колмонь-колмонь раз отказакшность крайкомонть пельде сынест секретарькс навязанной кандидатуранть кис голосованиядонть. Ерофицкийнень савсь эцес эсинзэ ставленниктнэнь неть организациатнесэ руководстванть ансяк секс, што сонензэ савсь лепштымс самокритиканть, глушамс комсомолсо (Пезз 4 це страницасо)

ВАДРЯ УЧИТЕЛЬНИЦА

Александра Петровна Полякова Кабай велень средней школоса учительницас роботась васень ие. Вети химия, естествознания предметнэнь ды 8-це, 9-це класстнэс тонавты лия масторонь кель. Сон весе виензэ, весе знаниязэ макс коммунистической обществань строицятнень од поколениянь тонавтомантень ды воспитания-тень. Тонавтнема иень эрва четь-вертьстэнь тонавтицятнень успе-ваемостест яла кассь ды кассь.

4-це четьвертьстэнь химия пред-метэнь коряс 8-це классонь то-

навтицятнень отметкаст ульнесть вадрят ды отличнат. Ансяк 3 то-навтицятнень отметкаст ульнесть посредственна. Малав истят жо отметкатне „анатомия и физиоло-гия“ предметэнь коряскак. Истят жо отметкаст ульнесть 7-це, 9-це классонь тонавтицятненькак.

Испытаниянь шкастоак тонав-тицятне получасть отметкатнень вадрят ды отличнат. Неть резуль-таттне добувасть Полякова ял-ганть вадря роботавзо кувалт.

И. А. Ярославкин.

Дубенкань р-н.

КЕПЕДЬСЫНЕК ПОЛИТИЧЕСКОЙ БДИТЕЛЬНОСТЕНЬ

Народонь врагтне кармасть при-мамо чрва кодамо маска, ансяк бу а невтемс эсист подлой чамаст. Примеркс сайсынек Пикшнянь НСШ-нь учителенть Доронинэнь, конань кувать ловсть „паро ло-манекс.“

НСШ-нь директорось Садовский примизе сонзэ НСШ-с тонавтомо. Зярдо ульнесть учитель, свал шнась народонь врагонть ды сехте огол-телой фашистэнь Троцкоень.

Комсомолонь организациясь па-низе тень кис эсь рядстонзо До-ронинэнь. Промксось энялды Иг-натовань РОНО-нть икеле, штобу каявлize учителень роботасто.

Комсомолонь промксось мерсь ве валсо, штобу кепедемс поли-тической бдительностень ды доп-рок таргсемс лагс троцкистской нулгодкстнень.

А. К.

Амелявтыця руководительть

Козловкань районной руководи-тельне арсит, што „культурась —те аволь покш тев, ломантне сынсь превс совить“. Неть вред-ной арсманте пачтиз сенень, што районсонть арась культурной ро-бота.

Районной библиотекас ло-вить 900 книгат, конатнестэ 200 ертоз прок амаштовикст. 700 кни-гатне пек аламо, штобу тонавтемс 500 ламо ловныцятнень вешемаст.

Аволь умок библиотекантень усксть 300 книгат, конатне аштить сюлмазь ды а макстнить ловны-цятнень.

Истят жо райклубоськак а робо-ты, свал пекстаз эри. Клубонь за-ведующие Кижняева кекшизе биллиардонть, штобу од ломантне иляст яка клубов.

Районсонть истят жо арась физ-культурной работа. Од ломантнень самодеятельностесь апак келей-гавт.

Районной руководителентнень эрви кеместэ кундамс культурно-массовой роботантень сень ловозь, што районось организоваз аволь умок.

К. С. С.

Минек вешеманок

Козловкань районсо Ташто Жа-бина велес покш. Тосо ламо эй-какшт, конатне тонавтемс якить лия-велес 5—6 километрань туро. Жабинасо жо ансяк начальной школа.

А вельсоветсь, а райОНО-сь кияк а заботить панжомс минек

велес аволь полной средней шко-ла.

Минь вештяно МАССР-нь Нар-компросонть пельде 1937—1938 тонавтемс истэнь панжомс Ташто Жабина велес аволь пол-ной средней школа.

Раужин, Снегирев.

КЕЛЕИСТЭ АРАВТОМС КОМСОМОЛСО САМОКРИТИКАНТЬ

(П Е З Э)

лецтнэнь протестэнь вальгеест. Истят аволь чуросто внутрисоюзной демократиянь мезекскак а лова-мась, самокритиканть лепштямось служить средствам, конань тевс нолдыть врагтне эсист подрывной тевень теemasост.

Аравтомс самокритиканть тол алов минек роботань эрва участ-канть—те значит стакалгавтомс врагонть действиянзо, улезэ сон троцкистской эли правой шпион ды вредитель. Самокритикась то-навты минек проверякшномс ло-мантнень сынст тевест коряс. Сон лезды муемс кекшезь врагонть, таргамс лагс сонзэ хитрой манев-ранзо. Самокритикась лезды мине-нек лагс таргсамс двурушникт-нэнь, конатне эцэ улить комсо-молсо.

Вана мекс самокритиканть келей-гавтомань задачась ашти ней ком-сомолонть туртов сехте насущной, боевой задачась.

Большевистской самокритикась отличается эсинзэ действительнос-тэнь. Аламо виткстамс эсоть ильведкстнэнь,—те минек туртов аволь самоцель,—эряви маштомс

сынст. Секскак эряви осудить сеть комсомольской активистнэнь по-веденияст, конатне промкстнэнь эйсэ анокт виткстамс весе эсист эриця ды а эриця грехест, тень марто, штобу, „самокритикань вечкемантень“ даненть максозь, омбоце чистэнь жо стувтомс сынст. Истятмо поведениянь арась мезезяк общезэ самокритиканть большевистской чаркодемандо мар-то. Самокритикась аволь „самоби-чевания“. Самокритикась веша лагс таргазь весе ильведкстнэнь маштомаст коряс настойчивой ро-бота.

Мукишновить истяткак комсо-мольской активист, конат арсит, што самокритикась валгсты сынст лагсто руководствань обязанность тнень. Сынсь спокойнасто кунсолить промкстнэнь эйсэ весе кортнемат-нень, кодаяк а реагировить мик-честной роботниктнэнь дискредита-циянь туртов самокритиканть тевс нолдамонь явной демагоги-ческой снартнематнень лагс. Неть ялгатнень сави ледствиям Сталин ялганть валонзо: „...кортнить, што

ИСПАНИЯСО ФРОНТТНЭВА

Испаниясто пачтазь кулянт ко-ряс центральной фронтсонть ию-лень 8-це чистэ мольт республи-канской войскантень пек виев наступленияст Гвадаррамань панд-тнэсэ. Республиканской частне занизь Лос Льянос пунктонт, ко-нанть ули военной значениязо. Саезь пленной ды военной ла-мо материал.

Мадридэнь эйстэ чи-валгома ено республиканской войскантне занязь Брунетэнь маласо ашти-ця зярыя велеть.

Кижорна велесэнь (Брунетэнь эйстэ 6 километрат пелеве ено чи-галгома енов) саезь 200-до ла-мо пленной.

Французской комсомолось —с'ездэнтэ икеле

Те иень июлень 10—14-це читне-стэ карми улема Парижсэ Франци-янь комсомолонь 9-це с'ездэсь.

Франциянь Од ломантнень Ком-мунистической Союзось 9-це с'ез-дэнтень сась аволь вишкине из-нявкс марто.

Бути 1936 иень мартсто 8-це с'ездэсэнь ульнесть малав 500 де-легат 30.000 комсомолецтнэнь пельде, то 9-це с'ездэнтень 100.000 комсомолецтнэ кучить 2.000 деле-гатт. „Авангард“ комсомольской газетанть тиражозо 44.000 экземп-ляртнэстэ кассь 135.000 экземплярс.

8-це с'ездэсэнь ульнесть органи-зоваз тейтертнень самостоятель-ной организация,—Франциянь Од тейтертнень Союз, конась примы-кает ансяк комсомолонтень. Ней жо те организациясонть весемезэ 20.000 члент ды нолды эсинзэ жур-налонзо, конань тиражозо 25.000 экземплярт.

С'ездэнтень анокстамонть тур-тов аволь умок ульнесть ютавтоз од ломантнень Коммунистической Союзонь районной секретартнень васень конференция. Те конферен-циясь толковинзе Союзонть теку-щей задачанзо. Конференциясонть ульнесть примазь кеме решенияст од ломантнень ютко шкаст пар-сте ютавтомадо ды од ломантнень жизненной вешемаст топавтомадо.

ви больше руководства, можна туемс рулент эйстэ ды максомс (руководстванть-Ред) вешатнень всеестественной молемантень“. Те аволь самокритика, но по-зор. Самокритикась эряви аволь руководстванть лавшомгавтоман-зо туртов, но сонзэ виегавтоман-тень, „сень туртов, штобу теемс сонзэ коневонь ды аволь автори-тетной руководствантэ эрямонь ды алукс авторитетной руковод-ствак“ („Правда“ 1928 ие 26/VI)

Миненек эряви аволь эрва ко-дамо критика. Эряви различать минек критиканть, конань ули целезэ партийностень насаждения, советской властень кемекстамо, се чуждой миненек критиканть эйстэ, конась выгодной парти-янь врагтнэнь, конатне снарт-нить калавтомс партийностень ды сеземс минек строительстванть.

Ансяк мезенькак апак сепе, чест-ной, революционной самокрити-канть ютавтомась максы возмож-ность комсомолонтень топавтомс эсинзэ пек покш задачанзо ды аравтомс комсомольской организа-циянтень руководствас сехте паро ломанть.



Республиканской Испаниянь паксят-нестэ ушодовсь сюронь урядамось. Рес-публиканской армиянь боецтнэ при-фронтовой полосань паксятнестэ робо-тать крестьянтнэнь марто вейсэ, ютавтыть тевс апак заня эрва ча-сонть, лездыть крестьянтнэнь сюр-онь урядамонть вадрясто ютав-томо

СНИМКАСОНТЬ: республиканской ар-миянь боецтнэнь группась сюронь уря-дамсто.

Фотось Союзфотонь.

Зярдо жо карми роботамо Мамкин

Березники. Пермизь велесэ улить паро клуб ды ловнома ку-до, конатнень перька можна аволь беряньстэ организовамс од ломан-тнень. Тосо ули клубонь заведую-щейкак, конань, эряви меремс, овси арась организаторской спо-собностензэ, секскак велесэнь ве-се культурно массовой роботась стувтоз, культурной учрежде-ниястне жо—теевсть кадозь ку-докс, сын эрить свал пекстаз. Мамкин истят жо панжомс экикс кирди газетатнень, балалайкат-нень, гитаранть, мандалинанть, гармошканть.

Нилеце ков Мамкин мезтькак а тейнемань кис получи зарплата, вельсоветсь жо сонзэ роботанзо а проверякшны, а соды седе, што Мамкин чить кундси калт, чокш-не улы.

П—ский.

Футбол

4:0

Саран ошонь „Динамо“ ды „Спартак“ футболной командат-не июлень 12-це чистэ налксест республикансонть васень тарканть кис. Результатось лиссь 4:0 „Ди-намонь“ пользас.

Эряви меремс, што кавонест командатне налксест лавшосто, арасель налксемань эрявикс тех-ника. Налксест грубой физичес-кой вийсэ. „Спартак“ командась беряньстэ ульнест анокстаз налк-семантень.

Теде башка покш асатыксэкс ашти се, што стадионось берянь-стэ ульнест анокстаз. Ортатне-нень эцест эйкакшт, конатне ме-шаст налксиятнень.

Неть асатыкстнэнь эрявить ло-вомс икеле пелев налксематнестэ. И. Палаяв.

Редакционной коллегия